

Vg  
716



Q. H.



Vg 716

# Ein Laglicher

## Sendtbrief des Baur

veyndts zu Karsthamsen seynem  
Pundtgnossen / mit Radt vnd  
Trost / Die ganntz Chris  
stenhayt belangendt. 52

*Recta ingenia debilitat verecundia /  
Pruua confirmat audacia. Seneca:*



BIBLIOTHECA  
PONICKAVIANA

UNIVERSITÄTS-BIBLIOTHEK  
HALLE  
(SAALE)

Ein Altarblatt

von dem  
Herrn  
von  
am  
17. März 1718

in  
der  
Kirche



# Erkenntnis des fürne- mens/ Bin ich vñ Goterbittig. A M E N.

**G**eschworne dienstparkait/ mit aller kundschafft/  
Sey dir hertzlich angezaygt allerliebster brüder:  
Mit krefftē vñ grosser beschwärmus hab ich diß  
vergangen Jar/ den Gayst der warheyt (meyn ver-  
pfandt gwissen) mit Warter erhalten/ Zuerhörn nach  
göttlicher schickung/ den eingang des vierundzwainzi-  
gisten/ Siweyl dann die zeyt/ die sorgtlich ist verstan-  
den vnd geacht wirdt/ als etlich vermainen. Mit krieg/  
Bewesser/ Teuring/ Franckheyt ic. In Summa velleicht  
das endt der welt/ hab ich außlieb/ disen Sendtbrief in  
gehaym/ zū letze/ dir vnd dein verwanten/ eroffnen wel-  
len/ Des verschens/ werst mir mein gewissen helfen rin-  
gern/ vnd die nottürfftigiste/ verlichne gnad gegen. De-  
niglich Erzaygen/ Das Neue Jar mit dapffrigkeyt  
anregen/ mit vermanung/ Bitt vnd troung / wider die  
veindt Gottes. Darmit du aber des süeglicher vrsach  
mügst haben/ solt du mich erstlich in still vernemen/ dar-  
mit die warheyt nit verargwont werd/ was du vnd an-  
der ertragen müge/ Bin ich seer wol zūfriden/ was aber  
zū schwär: nit allein Chrusten menschen/ Sunder Gott  
ym höchsten thron schwächlichs / nit weniger verächt-  
lichs: offentlich erfunden wirdt/ das vil pesser were/ Die  
Türcken erschlugen vns / die Sündflus freß vns/ die  
Berg verdackten vns/ den das wir wellen trutziglich  
erharren/ den grausamē zorn gottes. Nun wais ich das  
die welt pünt vor grymigkeit: Die Tyrannen wietten  
vor vnsinnigkeyt: yr anhang auff peden seyten Gott

Die erlöfing  
nachnet.

Die Welt

A ij

Geytt.

Der new er:  
funden grūt  
d̄ gaislichē.

ym hymel verflüchē/ Also hab ich got vnsern vatter/ vn  
sern geschanckern gecreuzigten Christum/ demütiglich  
vnd hertzlich gebetten Er wölle noch sie über vns erbar  
men/ Seiner Wirkung mit ernst krafft zugeben/ vns des  
Creutz der wiettrich gar thaylhafftig zu machen/ Dar  
mit seyne veindt an vnns gerochen/ werden yre hertzen  
erkülen/ darmit sienit yn yr brunst gar verhytzen vund  
das zeyttlich feür des geytz vnd zorns zu dem hellischen  
schlach: Nun wayß ich kayn mittel / das zuerlangen/  
das Pharaonis hertz gar verstockt wurd/ Bortes rey:  
ch gemert/ Das Euangelium ein sürgang/ vund einen  
wege zumachen gewung den allein mit ertlichen stuckē  
die ich dir anwil zaygen/ Darumb stee vest/ Es wirt hie  
an das treffen geen/ dem verlornen hauffen diser werlt.  
Darauff ich meinen Christlichen freytr zukünfftig be  
dingt wil haben. Mit dem hör eben zu dann es wirt dich  
vnd deine Baurn mit ein klain betreffen. Erstlich müß  
ich dir zuerkennen geben / Die weltlich Obrkayt anzū  
greiffen/ Darauf der saul Baro der geystlichkayt also  
halstarrig yetz stert/ vnd vor kurtzen zeytten nit nach  
ym vmb hetten gesehen/ Ob die selbigen auch gar mit  
disen erplintten wellenn / das du verstee magst/ Ob sie  
noch zu den sachen wolten sechen/ Dann so sie erwach  
sen sindt/ die göttlich warheyt greiffen durch vernufft  
spyrn/ Das der alt Christus noch lebt/ So wil von nö  
ten sein/ das lieb kinde anderst zu tauffen/ vund das du  
ynn Sun heyssest/ ynnen den vatter mit der rüthen zey  
gest/ Darmit sy die vngewant speiß der straff begerten.  
Wie der außewelt Augustinus an einem ort melde/ D  
herr hie straf/ hie peinig/ hie plag/ allein verschon dort: c  
So hat sich auch got noch eins rayls lieb / dan welliche  
Er bisher nit gestrafft hat / ist ein pöß zaychenn/ Dar  
umb sprich ich also.

Die weyl die Christlich warheyt vn̄ gottes beuelch/ so

gar am lieche ligen / das sie nie mag widersprochen wer-  
den / auch vō allen Engeln der hymel / geschweygen vō  
spitzfindigen sterblichen menschen / wil sie für an gezymē  
vns allen: die sich auf Christū beruffen / mir als dem we-  
nigisten / die warheit nie zū scheühē / vil weniger zū schwey-  
gen / Dañ Christus vnser haubtmā wolt gern mit gros-  
sen gewalt zū veldt ligen / So dañ nun den grossen han-  
sen / mer daran ist gelegen / vñ sie grösser beduncke vō nö-  
ten / krieg / hader vnd das Christen geblüt / wider alle ver-  
nuffe vñ götlichen verbots zū uergießen. Dañ Christliche  
ordnūg vnd brüderliche ainigkeit zū machen / das man  
spürt vñ greyfft / sollich darumb erdacht wirdt / darmit  
hinderniß geschēch der nottūrftigen Reformatz aller  
stend / Dises haydnische mer dañ Christenliche lebens.  
Vez beschreybt man ein Concilium werden / Darnach  
hart man auf fürsten - yez sindt die potschafft noch nit  
kumen / vñ wen man gar kain vrsach oder außredt mer  
hat / So sagt man ey die stend der verordente sindt nit  
gar beyein gewest / Va warlich nit beyein / Dañ als weit  
sie mit den landen vō ander sein / vil mer sindt sie mit ire  
Katschlegen / ainigung vñnd außrichtung. Va vil we-  
niger yn yren Tugenden vñnd güttem leben beysam /  
wie wolten sie darn mit Gottes wort Concordiern / das  
ynnen noch vnmüglicher ist. Als ich dich khenn / So me-  
chstu wol sprechen / Samle dich glocken speyß: man wil  
ain affen giessen. Auwe der klag / vil mer der Regen-  
ten / Was ist aber die vrsach? Ich halt sie vermercken  
es well sich zū riess einreysen: Sy mercken die freüden-  
das der grossen Hannsen / Pompp hoffart vñ übermüt  
als wenig krafft hat vñnd ergründe yst / als der Ketz-  
rischenn hürn Anhang zū Babelon / des Regiments /  
aller Papisten vñnd verfolger Christi. Dann ye meer  
mann schreyt: Ve weniger sie hören / mann sicht auch  
vñ erfert / das sye ansacht ( vnd ains gütten tawls am  
tag) der weltlichen herren trutzlich regiment / offenbar

Reychs an-  
ligen.

Reformatz.



Vermanung

Luce. 7

Math. 11

Merung des  
übel.

zu werden / Der last vnd beschwörung der Armen /  
das nimmer mag oder kan erlitten werden / vil weniger  
got das gestaten wirdt / Darumb sie oft bey dem höch-  
sten aydt vermandt sindt worden / den sy für ander yn  
der Tauff geschworn haben / ein Christliche frydsame  
ordnung zümachen / vnd sich auch als sterblich zu er-  
kennen / es hat aber nie wellen hafften / vnd für spölicher  
dan verachlich gehalten / So muß vnd wirt der kinder  
prophecey ergeen. die sagen / wir haben euch gepiffen /  
vnd yr habt nicht getantz / Wir haben euch geklaget /  
vnd yr habt nicht geweynet ic. Hast du hic orn So wir-  
stu hörn : Zu wem werden sie es auff die lest brennen  
oder was wirdt darauß werde? Das / wen Populus Bo-  
morus der sach grundt / gar gewar wirdt / vnd über-  
handt nymbt / nymet am narn sayl / vn geltstricken tan-  
zen wellen / (Merck eben was ich dir hie klag) So wirt  
man sich vndersteen / das Endtchristlich Reych zu me-  
ren / mit gewalt züfarn / Also werden die Letzten dinng  
pöffer / weder die Erste / weß wirdt die schuldt sein : Dein  
vnd andertrewlichs schreybens : Layn lieber Layn :  
Sunder der gleyssenden Regenten / der geweligen han-  
sen / Sunderlich deren / wellicher fräuel zu regiern / kein  
grungt yn der gschufft erfunden wirt die mer das yrig  
süchen / vnd yrer freündt nutz betrachten weder gemay-  
nes standts / was dan / übel / mordt / Todtschleg / vngel-  
horsam / mitrwill ersteen wirdt ist güet züachten / Mit  
dem sie für werden geben die schuldt / des Euangeli / wel-  
liches doch keinen thayl hat / mit diser zergenclichkeyt  
(allein außgenumen mit den verfolgten) Sunder es er-  
fordert den rechten warn / vnbeweglichen weg der selig-  
keyt / des frydts / vnd der gnaden ic.

Wo es dan zum andermal auch mit angen wil / auch  
nicht anderst sein / des ich dir außbetrieht herten klag /  
von wegen der armen blizden Leu. c. / So wirt sich Chri-  
stus vnser Haubman / auch vndersteen seinen wortten



vnd zū sag krafft zū geben / Es kost gleych hymel oder  
Erden / Dañ sie wellen ( wissenlich ) nit verstee / das er  
mir seiner gütte als lang verzeücht. Vnd doch des ge-  
strengen vrtayls lang schuldig gewest / vnd wir täglich  
all in dem verlorne hauffen ( den / sich der Teüffel / dur-  
ch sie vndersteet zū sturzen / ym sol aber der kunst felen )  
schreyen / schreyben durch gebet / mit müe vnd arbeyt /  
mit wainen vñ heülen / kein erhörn da ist / Sagen wir sy  
sollen Brüderlich wider kern / sich gegen got demüctigē /  
sich als sündler sterplich erkennen / So sagen sie wier ha-  
ben kein seel / darumb dirff wir kainer seligkeit warten.  
Das ist dañ dem Teüffel ein eben spil / Sagen wir dyß  
vnd daß sey gottes will ( schier in allem ) Sagen sy / da  
fragen wir nit nach / diß sindt vnser köpff / also wellen  
wirs haben / was sol ich dir sagē / es ist als verkert / Laß  
sehen wer den kürtzern werdt ziehen / Darumb hat die  
zeyt Kre : der kinder peckelputzen bey zeit zü erkennen wo  
es hatte / darmit sie die forcht samē schaff Christi / nit gar  
lebendig schinden / fressen vnd verjagen / Ist das yr  
ambt : ist das yr beuelch : sehen sie also zū : So wolt yr  
der wietzig Teüffel / kurtzumb es müß also nit sein / Dañ  
als pald man nur die zway schwert / genant hat - es sey  
in was sūr genumen sachen sy gewelt habē / Ist alle welt  
erschrocken. Tun wirt es sūr an auß sein / Sann es ist  
am tag / wo nur drey auff einem dorff sitzen / wil der ain  
die zwen vnderdrucken vnd die selbigen herschen / Wan  
wayß wol was der weltlich gewalt sūr grundt yn der ge-  
schufft hat / Wan wayß auch wol wie weyt man ynnen  
schuldig ist gehorsam zū sein. Aber hye ist dencken ver-  
lor / Christus wil alhie auch herz seyn / auch ein Keych  
haben / darynnē die seynigen solen Regiern. Darumb  
vernym mich hye eben / das du mir nit die schuld gebest /  
als die schelligen köpff eilichen gethan haben / man well  
es als zū nicht mache. Was wirt dañ das hieig Keych  
Christi sein / So er doch sprichē sein Keych sey nit vō diser

Kein See l

Zwey  
Schwert

Weltlich  
gwalt.

Johan. 18

J. han. 13

Arabia.

Entschuldig.  
gung.

Nota.

Wete: Also wirt es genant: zehalten die lieb gegen dem  
negsten/das ist Christi / die letzte mainung vnd beuelch  
gewesen/vnd ein Trewes gebor. Was wirt für gewalt vñ  
fräuel der Christlichen häubter darynn geriben: Was  
werde yrelange recht: was yre decret: Was alle andre  
Tewe ordnung: Tliche anderst dan was ainer nie gern  
hat/sol er den andern auch vertragen/ Die wort. Das  
leben/diñ Regiment/wöl wir aufrichte/Lernen/verkün  
digen/brauchen/üben ic. Es gelt gleych sewr/schwert/  
eyssen oder zanngen / es verdrieh den Teüffel oder seyn  
Annraw/Arabia kendet noch nie rechte die Edl Teüsch  
zungen/wellen die gottes gwalt über vns gnedigklich  
verlihen/nicht nach der gschufft vnd nach dem beuelch  
des rechten gesetz gebers/brauchen/well wir wol herzen  
finden/hab kein sorg/Gott wirt mit den seynigen seyn.  
Wir wellen auch für an entschuldig sein/in allem dem/  
das sich darüber begeben wirt. Sunderlich was got ver  
hengen wirt/Es sey gleych Vffrür oder plüt vergiessen/  
vnd alles/das nur widerwertigs genent mag vñnd sol  
werde. Warum: Darumb das die götlich gschufft vñ  
warheyt/vnd alles das wir von got haben/ Ist bis her  
also lautter: Lieblich: Brüderlich gehandelt worden.  
Soul trewer vermanung/Lere vnd vnderweysung ge  
geben werden/wie man das merertayl diser sachen vñ  
yrthumen/freülich/Brüderlich/auf rechtem grunde  
der liebe/gehandelt mecht werde/über das als hat man  
sich alweg berüfft/auff die Obrafayt/Sünderlich in den  
sachen/dar auf vñ vñ erstee mecht/So ist es alles ver  
acht/zü einem Die eingangen zum andern wider auf/  
vnd all yr besserung vnd disputaz / Ist gewesen, vñnd  
noch/ Sewr/Schwert/Thurn ic. Schamen sie sich nit  
yn yr hertz die Endchristlichen vñ Haydnischen, Junck  
herin bayder Keych-das sie so vil hoher schülen / So  
mit tausent gulden/geleert leüt zü halten' aufgeben/ vnd  
yr soul nie erfunden solten werdenn/die einer laufigen

Paulinischen Geyst/mechten mit warheyt begegnen/  
noch hoffen sie/das merertayl/auf den aleen affen von  
Haydelberg/gleich wie die Juden auf iren Messia/Es  
hilft nicht vñ wen sy all töricht darüber wurden/Sy ver  
mainen Radt züsclahen darauß nicht wirdt / dann so  
man übereinsach Radtschlecht/so ist ein gewisß zeichen  
das man darynn zweyffelt/Darumb ich riedt sie nemē  
die gewisest regel/des beuelchs Christi/ vñ liessen welt  
liche weyßheit sarn/werden dennoch züschaffen genüg  
haben/Sy dürffen yetz wol einer weyssen Peurin/Han  
deln sie nicht nach got/des wir all / diemüertiglick vñ  
herzlich bittē/Das diß nach seine götliche willen gehan  
delt müg werde/So well wir darnach auch ein Landsch  
affe aller Christen außschreyben / es sey dan nit müg  
lich/oder Got wol vns sein gnad nit verleyhen / wie wol  
es vnser villen per grindus wirdt gen/das gut züachtē  
ist/noch müß dannoch nit nach gelasse werden/dan wir  
knecht sind nit mer als d herz / Sowisß wir dz die prophe  
ten/Christus selb/vñ all Marterer/mit irem blüt ver  
giessen/Das Keych des glaubens haben erhalten vñ  
also hinauß müß geen/bis zü dem ende der welt.

Nun merck weytter / vñ bis vnuerdrossen/dan ich  
müß dir ye gar sagen was mir vmbß hertz ist/Es wil  
auch von nöten sein/dan es wil zü vil vñ zü lang wer  
den/So aber nun die zejt verhandē ist/das bayder rey  
ch mißprauch vñ beschwär von tag zü tag pah ent  
deckt werden/sich vñdter yn selbs also zertaylen/Eins  
tayls gar genumen/So bitt ich dich trewlich/du wöllest  
den armen einfeltigen hauffen gewarnen/sich in die sa  
ch nie zü mischen/yre har/zü disem geräff / weytter nit  
darzū leyhen/wan es ist ye vñd ye über sie außgangen/  
Sannso die grossen Hansen yr hilf spüren/so werden sie  
vil darauß anfangen/werden sich yr trösten/vñd die  
zway Keych überein kummen/als sie dan yn den sten  
den durch ein ander sindt geflickt / vñd an ander han

B

Alt aff.

Versamlug

Gmain  
Dan.

Rechte hilf

Sindt sy an  
derst weyß.

Hussius  
martir.

gen wayß wie / So dürffen die armen nit anderst gedencken / die glocken wirt / über sie gossen vnd sie werden yre hendt yn Ewrem plüt waschen / Laß dirshye nit einen scherz sein / Dan es ist alweg also ergangen / Werden sie ynen aber nit helffen / dann als vil Gottes Ere / Bewegung des nechsten vnd der liebe / So merck eben auff / so müssen sich die zwey Keych taylor / vnd behendt / das güt zu glauben ist / Wann warumb / die herschafft vnd Adel / wirt nit wellen engelten / der geystlosen leüt / Dan wirt sein Kayser wider den Papst Endrichrist / Die weltlichen Fürsten / wider die Cardinal vnd Bischoff / Die Graffen vnd Ritterschafft / wider den Ritters orden / wider die Thumen herren vnd Curisamen / Der gemain Adel wider Wüncß vñ pfaffen / Wie dem wirt sich der pettler Tanz machen / ynn demso auff beden seyt / ten kein hilff wirt sein von den armen / vnd gemainem / Vnd sunderlich so die Stett den vnrechten weg / vnd den lon der veindschafft / den sie alweg darvon erkriegt haben fürtan meyden werden / yrer schantz wartten / Verhoff ich wir wöllem darnach wol zu einer redding kumen / So sie doch yetz nit volgen wellen / Vnd gedenck an mich / es wirt nit anderst ergeen / Biß sie die hörner gegen einander abstossen / wann man tracht vñ stelt darnach / keiner wil von dem andern Reformatz leyden / oder annehmen / auch kein thaylsich pessen / halten also ob eyn annder Biß der Teydt / Seytz / vnd zwieracht / paß erwachsen mag / der darnach / durch vil plüt vergiessen / mit Marter kaum gestilt mag werden / das du wol exempel hast / als nach verderbung des Hussen / das warn marterer. Mit dem sie sich wol zu fürsehen haben / die alten Manlichen Teütschen hertzen vnd tugent herfür zu süchen / Got vmb genad zü bitten / vnd vmb rechte erleuchtung ic.

Nicht weniger vñ vor allen dingen / magst du wol ge

warnen / die Keychsteit / Sunderlich deine betriehte  
Baurn / zur disen zeyten / das sie gedult haben styllseyn  
nicht plassen das sie nit brennt / darmit inen der rauch nit  
in die augen schlahe / Also lang bis gar nicht mer helfen  
wil / Vñ Chrustum vnserm haubtman / über sie Regiern  
lassen / Täglich vmb frid vñ beschützung zü bitten / wirt  
es aber als vnerhört sein / Clagen es got vñ der gerech-  
tigkait: sol dennoch weg erfunden werden / zü seiner zeyt /  
das Jar ist noch 1170 / verhielten sie nur wol das endt /  
Wan Chrustus wayß wol / das in deiner Baurn hauf-  
fen die seynigen sindt.

Keychsteit  
Baurn.

Du müst mich auch noch eins hörn / von wan kumbt  
es aber her / das got / nicht mit disen zwayen Keychs-  
stenden / zü thun oder zü schaffen wil haben: oder nicht  
nutzlichs oder Chrustlichs mag auß gericht werde: Hör  
ein klein zü / wil auß mir selbs nicht reden oder schreybē.

Das erst Keych ist Haydnisch (va wern dennoch sol-  
lich tugendt daryn) darvon man vil gedruckt vint /  
wie dapffer hendel man auf den Keychs tagen außri-  
che / nemlich das / wie sie dan ym druck anzaygen / Der  
Kayser sey mit sollichem gewalt kumen mit grosser herz-  
schafft / mit souil volcks ist man ym entgegē zogen / Der  
fürst der herz ist mit souil hundert pferden ingeritten /  
mit sollichen grossen gulden stucken / mit Perlein gesch-  
muck / mit schwarzen gulden ketten / mit hohen feder pus-  
schen / mit gulden / silbern kyress / spangen vñ gerayt / mit  
sollichem gebrenng / Also hat man Thurniert (daryn  
man oft grosser Gottes lesterer / Frawen schender denn  
Turniergnosß findt / Wanigē wirt der schildt schwarz /  
So man dem ynhalt wolt nachgeen / Nun man wayß  
wol das die Hür den kess hatt gefressen / darnach stinckte  
ir dz mau / es geet wie es mag. Was mer: Souil bant

Kayserthū.

Kesshür.

B ij

Präsident  
Klag.

Römer.

get hat man gehalten/Souil hundert Richte der Speys  
sindt geben worden/Souil Tantz sinnde gefodert wor-  
den / Souil Klaynetter haben die Herren verschennckt/  
Souil Tausent gulden sindt verzert worden/des dings  
an endt seer vil/ Wenn sie dann lange zeyt beysam sind  
gewesen/gar nicht haben funden auß zürchten/So be-  
schliessen sie alweg ym druck am ende (Liß so wirdstus  
finden) Es sey wol vil fürgenomē wordē/man wiß aber  
nit endtlich was man noch hab auß gericht/ist gleych  
als vil / als them ainer vnnd brecht vnns nichts. Also  
gleych / ynn was maynung vnnd hoffart sie zū samen  
kummen / also beschliessen sie auch / dann das ist vnn-  
zweyffenlich war / wo die hoffart Regiert / da ist der  
Teüffel Präsident. O Wee dem armen Keych ( Sie  
hayssens dennoch heyllig ) so es doch befindt vnd greyft  
das Got nit mit ym ist/vil weniger sie mit ym/ya wenn  
es mit Kennen/stechen / vnnd schlittensarn wer außge-  
richt/Dann ich besorg mit disem/vil weniger/mie Spil-  
len/Tantzzen/Hürerey vnnd füllerey/mügen göttlich  
handdel nit betracht werden/ Ist ynnen darumb zym-  
liche / Christliche freüdt/zū seyner zeyt nit abgeschla-  
gen/ Was sol vor allen dingen das Keych Gottes sü-  
chen/den Bemaynen nutz betrachten / Wie die weysen  
Römer thetten/die doch Hayden warn/die yn dem fall  
die vermaynten Christen schamrodte machen yn ord-  
nung der Regiment/Was ist dann die anderhynder-  
niß: Wie vorgesagt d Präsident/die grossen hausen/die  
ya ya herre/die guldin ducate Ritter/die gunstnecht/  
die gewissenlosen Regenten vn Richteer/Sy druckt der  
geytz vn vntrew/das sie mit aufgerichtem hertzen/offen-  
lich der warheyt nach/nit handeln dürffen oder wellen/  
von wan kumbt es her: da her das die ämbter vō dem  
höchste biß auf den niderst/durch gemaine/verwilligūg  
nit besetzt sindt/vn die weil der güst/geytz vn hoffart ob

Schwebt/nymmer ein gut regimen oder ordnung erschel-  
len mag / Darumb ist es verlorn die weyl dz Keych nit  
einhellig Regiert / die Regiment vnd Kamergricht  
vō gemainem Keych besetzt sindt / Des Kayfers Rait  
vongemainen Fürsten / der Fürsten Rait von gemai-  
ner Landschafft / vnd also nacheinander / Das her ein  
ansehen vnd denen mecht glauben geben werden. Dar-  
mit nit ein yedweder herz vnd Fürst (die nach vnserm  
Teütsch wol Landtknecht / vñ wächter / so man die war-  
heyt reden dorst genent mügen werden) mit seinem kopf  
dardurch fiere / nach seinem willen / Dan ettlich vermai-  
nen / sie habens ertrösch / sey ynen erlaube / das sie der  
gemain vnd der armen güter also verschwenden / ver-  
spilen / verhürn / vñ verschencken ic. weñ dan ein Landt  
not anstost / So ist kein gelt vorhanden / So steürt vnd  
plagt man die armen leütt / es mecht plicten. Wo dan  
sollicher herzen Regiment zū verderben der Landt thet-  
raychen / die herzn ye nit volgen wolten / Da sol dan ein  
Landschafft erfodert werde / Das alles anderst zū gat  
Das Keych wirt erfodert zū verthun vnd zū Bantge-  
tiern / wie ob angezaygt. Des gleiche der fürsten Landt-  
schafft / die zū steürn ic. kan vñ mag nymmer wolsteen.  
Die weyl der Kayser nit sorg tregt auff die Fürsten vñ  
zūgehörigen stende / die Fürsten auff yre Rait / die Rait  
auff die Landschafft / die Landtherien vnd Adel auff  
die Fürsten / der Richter auff seine schöpffen / der Bur-  
germaister auff den Rait / der Rait auff die gemain ic.  
Nit weniger kann ein gut Regiment werden / die weyl  
die Amptleüt yn allen stenden / nicht nach gewissen dürf-  
fen handeln / Sunderlich die do fürchten jrer Ern vnd  
gewaltz entsetzung / oder die des ampts einthumen oder  
güter verhindern / Es ist müe vnd arbait / Ich sol dir  
wol nit schreyben es ist den grossen hansen zū nahe / Da  
kan ich nit für / die weyl sie sich yn yren Rechtbüchern /  
Privilegien / vñ gwalts briessen / offentlich außschreyen /

Ambter.



Die sorg der  
Obrikayt

L

**Nota.**

**Warheyt**

**Nyemandt  
wirt mer er-  
hört.**

**Den von  
Wirttemberg**

als die genaygten/von den genaden gottes/zü aller ge-  
rechtigkayt/warheyt/vnd tugendt/ die selbigen hande  
zü haben/vnd sie sindt die Ersten/die es als breche/was  
ist von einē geletz geber zü halten der es selb bricht; Ich  
wayß nicht/Sy sprechen aber alle ordnung werd von ir  
vilen gemacht/darumb halt ein yeder ein stuck daruo/  
So hab es krafft genug zc.das hab ich nit gewist. Ich  
wayß auch wol das yr vil zetter über dich werden schrey-  
en/So du Antwort hie solt geben/vnd das an tag brin-  
gen. Ich wils frölich mit dir wagen/Wan der stuck ist  
kaines haymlich man weyß layder nur zü wol/Vnd ob  
du etwas ym willen bestest verstendig mich bey zeit/  
wann der warheyt ist die welt zü Enng worden/Vnd  
yn allen sachen beger verstendig Richter/die wol kün-  
nen ermessen/was der Christenheyt nutz wer vnd nott  
thete/So wayß ich kainen auf erden allein/vnder allen  
herren/wen sie die warheit hörn wolten/man funde leüt.  
die mit ynen dörfen reden/vnd brüderliche erynderung  
zü thun. Die weyl sie aber mit lanngen spiessen/kurtzen  
degen/vnd gestumpfften büchern der püchssen wellen  
Regiern vnd disputiern/vnd an vortayl vñ gewalt nie-  
mant hörn/dan was in zü nach ist/müßtern sie gen thurn  
oder jagens durch die spieß/Das ist mir/dir/vñ andern/  
vil zü schwär/Wüssen wir dennoch weg finden/Wie  
ich sollich main/magst du gedencken/Das lon der her-  
lichkeit/das mir darumb wirt hab ich schon entpfangē/  
mir stett nicht mer beuor/dann die rach der gottlosen/  
wer Christlich begert zü leben/zü Regiern/der selb wirt  
mer erfreüt ab brüderlicher ermanung/wer der er grol-  
len wirt/Aber Türcken vnd Tyrannen behalten yr  
weyß/Christen lassen sich doch weyßen/Was hat den vñ  
Wirttemberg vmb Landt bracht/vnd ander mer yn  
grosse schuld gefürt/vñ der Landt verderben gebracht;  
gib ich dir zü erkennen/weyter gibt es mir nicht züschaf



fen/ich nenn mich einen Christen/So hörn sie wol als we  
nig/als die Papisten / das macht das sie geschwägert  
sindt / Ichschreyb dir allein darumb / das sich deyne  
Baurn wissen nach sollichen Haydnischen meer dann  
Christlichen Regiern zu richten / vnnnd zu verhüerten/  
Sann gelert/Dapffer/verstendig/ erfarn Wenner/  
dangen nicht mer zu Rätten vn̄ ambtern/muß als hin  
der der Thür bleyben/aber der herren/hürnfürer/lieb  
koser/federklauber zc.die sindt der sachs gewiß vnd die pe  
sten vnd angenemisten / (Ich rede von den schuldigen/  
wer schad das nit noch dapffer Leüt auf Erdrich wern)  
Aber gemainlich wie die Kadefleüt ynn allen stenden  
sindt also ist auch das Regiment/vn̄ der Embter hand  
lung/wil duß verstee/oder mich anderst weysen bin ich  
wol zu friden/Su wayst auch wol das ich dir nit schreib  
als den welt weysen / Sann ich bin nur ein Baurntro  
ster/Darbey du verstee solt wer etwas besunders über  
einen Adams Baur sein wil/ausserhalb der berüffüg/  
der muß auch ein besondere tugendt haben/sie sey gütt  
oder pöß/das wil ich dir anlagnē sein/die weyl leyb vn̄  
eel besam ist/Dan̄ diß stücklein hat seer vil yn ym/das  
du seer wol acht magst nemen / vnnnd das /gibt mir eyn  
gründt vn̄ vrsach/ein Christ genent zu sein/wirstu mich  
übertrewen Kadet/vmb den Christen anfechten/das du  
macht hat/so wil ich dir in beschreyben vn̄ deütten.Aber  
du wirst mir herwiderumb volgen lassen vnnnd nach ge  
benn / was ausserehalb der tugendt eines Christen sey/  
Das dasselb wider got/fräuenlich/verdamllich/Tyran  
nisch vnd Teüflischs werde erfunden / Darumb besynn  
dich wol du solt vngelyt von mir seyn / Triff ich yn nit  
So wil ich doch/wils Got sein nit weyt selen/ Darnach  
hab dich zurichten/Auff diß mal/het dir auch noch vil  
anligende sachs geschryben/wolt der Bot nit verharren

Freündt:  
schafft.



Adams  
Baur.



So weyßlich das du als pald auß deynem vernufft nit  
abfchaydft/das der übrig taylor zeytlich mag hinnach  
kumen. Ich verfech mich auch darbey/werdest nit in al  
len sachen/deinen aygnen willen vnd kopff brauchen/  
Denn es sindt noch sonil dapfferer Menner auff Er  
den/ob schon die nit mechtig / Keych oder Edell gewap  
per sinndt/So haben sie villeycht den verstande durch  
Gottes geyst/vnnd göteliche wirckung / die es all erew  
lich vnnd brüederlich mainen/gern hülffen vnd rietten/  
so sie nit also kezer vnd veracht wurden/du wilt deyn  
thun allein haben vnd also verschwigen/das schier nie  
mant weyß/ als yederman/So wer es dir ein mechtige  
schandt/solt du ein zweyßhafftigen artickel der gschriфт  
oder der ordnung gemaines nutz / betreffend vns ge  
fangnen Christen/vn die gemain durch den Truck zün  
beschreyben/lassen kumen / Dar über dann auch ma  
niger Christ/seyn weg mecht süchen/vn vnnd andern  
haylsamiglich zü radten / du versichst dich aber aller  
weyßhayt bey dir selbs/ Amē. Hastu aber mangel / als  
wol zügedencken ist/So pfleg Ratt vnd weyßheyte von  
Got/wirdt dir warlich nit versagt / So sindt noch souil  
graber port (wellichen hoch zü verachten wär / wo ans  
derst gehart wirdt / das sie etwas wider die gerechtig  
keyt zü erdencken fürherten / dann die warheyte wyrdt  
Ewigklich bleyben ) yaso vil geleterleütt : yn alle han  
deln vnnd fürnemen geschickte/das ich verhoff kein an  
der mangel werdt da sein/dann aygnen will/vnnd verfür  
rung / wirstu dann yetz zü den sachen nit thun/deynem  
Baurn zü ratten/vnnd helffen/ auß etlichen beschwär  
nuß vnnd anligen/Sunderlich yn disem yrethumb der  
ainfeltigen/die allein auß dich harren / So wirt gewiß  
lich yn dir erscheynen/die kalten hertzen / vnnd alle auß  
leschung götelicher forcht / welliche doch ein anfang ist  
vnnd sein wil/ aller weyßheyte / Wirt dann das auß  
prechen/vnnd dein anschlag erkannet. Dann es ist

Proverb: 1.

mit Kynderspil das du zuehnen hast / auch nit auff ain  
Jar ic. kumbstu mit gottes beuelch / mit gschriff der Bi  
bel / ynn Christlicher ordnung / So solstu sehen / wie wir  
dich erheben wollen / vñ mit allen Ritterlichen thatten  
herfür streychen vñ beschreyben / kumbstu aber mit  
Menschen handt / mit aygnem kopff / der aygensüchtig  
kayt des geytz vñ hoffart. So gedenc̄ meyn du wirst  
drey mal entpfangen / vñ vnwerder gehalten werden /  
weder der aller gröbest Baur yns Teytarts tantz /  
Darmic wünsch ich dir glück / fürsichtigkayt / vñ erleuch  
tung yn allen sachen / Laß dir darbey all göttlich  
beuelch zu om kummen. Wer wayß was dir noch ge  
sundt wirt ic. Datum yn Eyl am tag der verkün  
dung.

Da wirn veyndt auß dem gepluet  
deyner glyder.  
Far schon ich khum schier  
Herwider.  
Gottes wort lygt noch nit gar  
darnyder.

Bedruckt durch Johann  
Locher von Dünchen.

C ij

Faint, illegible text at the top of the page, possibly bleed-through from the reverse side.

Fortsetzung des Textes, ebenfalls sehr undeutlich.

Geometrische Aufgaben  
Achtung von Dingen

C 10





79 716 BK

M.C.



ULB Halle


3

001 875 981









B.I.G.

Farbkarte #13

H. K. 120, 27

Vg 716

# Ein Laglicher

## Sendtbrief des Baur

veyndts zu Karsthamsen seynem  
Pundtgnossen mit Radt vnd  
Trost / Die gantz Chri-  
stenhayt belangend. 52

*Recta ingenia debilitat verecundia/  
Pruua confirmat audacia. Seneca:*



BIBLIOTHECA  
PUNICKAVIANA

UNIVERSITÄTS-BIBLIOTHEK  
HALLE  
(SAALE)